

QV AESTIO MEDICA,

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM,

DIE IOVIS XXX. MARTII, M. PETRO SEGVIN, REGI A CONSILIIIS
MEDICIS, ET PRIMARIO REGINÆ MEDICO, DISCEPTATORE.

An Vere piscium esus salubris?

715

DIÆTA partium Medicinæ præstantissima & difficillima, neutiquam potest ægris, sanis, medióque modo se habentibus præscribi, nisi naturæ minister, imitator, & corrector Medicus, anni tempestatum potentiam probè teneat, non enim simile quid in illis existit, verum differunt inuicem, propter varias quæ in eis sunt mutationes: ventres alio modo se habent Vere ac Autumno, Æstate ac Hyeme. Cibi substantia, quantitas, qualitas, vtendi ratio animo perpendenda, cum calore nostro naturali eoque elementari comparanda. *ἐν πικρῇ διαίτησιν, ἐν γλυκύνι χαλαρόταται*, mediam consistentiam sortita, crassis ac tenuibus, Veris præsertim tempore præferenda: ab his modò refocillatur, modò fatiscit, suisque iacturam patitur. Salubris cibus qui sanitatem conseruat & efficit, pro varijs temporibus varijs exhiberi debet, talisque dicitur collatione tempestatis cum natura corporis nostri. Æstate & Autumno alimenta sumi debent pauca, bona, & sæpè: Hyeme multa, item Vere, at mediocriter nutritia.

ALIMENTVM quicquid totius substantiæ familiaritate in corporis animati substantiam conuerti potest, veneno oppositum, (inter vtrumque medicamentum obtinet locum) patiens & agens corpus est; quod sumitur ex plantis, animalibus, eorumque partibus ex quatuor elementis compositis actu remanentibus, non ex terra, aqua, igne, aëre, binis & intensis qualitatibus affectis, nec imperfectè mixtis, vt meteoris & mineralibus; ex animalibus salubrius desumitur alimentum, quam ex plantis, quod à calore nostro subigitur, eumque augeat Hyemè & Vere magis, quam Æstate & Autumno. Pro vario syderum ortu, & occasu, à quibus discernuntur anni tempestates, calor vegetior imbecilliorque redditur, vt pro ratione locorum vita productior. Hyeme vt Septentrionalibus longævis, intensus calor, bona concoctio. Æstate vt Meridionalibus vtrumque debile. Autumno vt Occidentalibus infirmis inæqualis calor. Vere vt Orientalibus omnium saluberrimè vitam degentibus, temperatis, & quibus prolixior vita, temperatura media similibus conseruanda.

ANIMALIA terrestria, volatilia, aquatilia, dedit natura hominibus pro esca: è quouis genere quæ in omnis excessus mediocritate consistunt eligenda. Aquatilia animalia bonitate terrestribus & volatilibus non sunt inferiora, hæc *ἀσφαια*, morbis vt reliqua non ita obnoxia, saluberrimum hominum corporibus sunt alimentum minime medicamentosum: pisces lacustres fluuiatilibus cedunt, vt fluuiatiles & *ἀνδροπότοι*, marinis omnium saluberrimis, ex quibus saxatiles inter littorales & pelagios palmam obtinent, & qui præcipuè in Oceano, quam in Mediterraneo degunt, *ὠματόι*, non tertianà exquisitâ laborantibus, picrocholis, calculosis. Nullum conuenientius alimentum vbi natura media, calor mediocris qualis Vere reperitur, non Autumno, Æstate, & Hyeme, quæ anni tempestates *ἀσφατος*, plurimisque morbis obnoxia.

PISCIBUS eligendi staturâ & ætate mediocres, non vetusti (excepto mullo) ex eorum partibus quæ exercitissimæ, vt caudam & dorsum spectantes, quæ caput, ventrem, & quæ ex his pingues sunt peiores: grauidi plurimi Vere sunt meliores, marini recenter expiscati lepram inducunt, saliti non salitis insalubriores, molles & friabiles longè præstantiores glutinosi: quibus inculcata est valetudo ijs pisces *ὀκρυδαυτοί* maximè conueniunt, vt iussulentia & grotis: à fartagine humiditas excrementicia piscium absumitur, eorum friabilior redditur caro, gustu suauior, concoctu & distributu faciliior, non absimilis illi quam gallinæ, capones, phasianis, perdicis, attagenes, columbæ, merulæ, turdi, turtures, passeruli suppeditant.

VERE prima anni tempestas, quo tempore mundus creatus fuit, ab æquinoctio verno incipiens, & in ortum pleiadum, æstatis initium desinens, omnium saluberriima, vt temperata non calida & humida, in qua temperatis & eucymis est vtendum cibis, non ita leguminibus, rectissimè piscibus (quicquid dicat Germanus ille impius) ex quibus tamen minus laudandi qui duræ sunt carnis, vt dracones, cuculi, multelli, pagri, mulli, nam ægrè conficiuntur, succosque crassos in corpus distribuunt; at eligendi qui molli friabilique carne sunt præditi, luci, gobiones, perca, soleæ, passeres, rhombi, barbata, aurata: post hos aselli, hamia, iecoratiij, cythari, vmbra, omnes isti facilius quam cæteri concoquantur, distribuuntur, & laudatissimum calori nostro pabulum præbent.

Ergo Vere piscium esus salubris.

Proponebat Lutetiæ HVGO CHASLES, Parisinus, A. R. S. H. M. DC. XXVIII.